

SCRIPT OF MORNING GOJRI NEWS BULLETIN 2JAN 2026 1015HRS

مارننگ گوجری نیوز بولٹن 2 جنوری 2026

یوہ آکاشوانی جموں بے محمد اکرم تیں خبر سُنو۔

ST SCHOLARSHIPS

محکمہ قبائلی امور نے درجہ فہرست قبائل ایک تے درجہ فہرست قبائل دو گا اہل طلباء مانہہ پوسٹ میٹرک وظیفہ غی الیکٹرانک طور تقسیم شروع کی ہے جس نال ہزاراں مستفیدان نانہہ انتہائی ضروری راحت مل رہی ہے ادانگی مانہہ تاخیر ہوئی تھی کیونکہ بسنگل نوڈل ایجنسی توں نسا سپریش پلیٹ فارم ور منتقلی مانہہ تکنیکی مسائل کی وجی تھی جس نانہہ ہون قومی علم المحومات مرکز نے حل کردتو ہے تے اس نال جموں کشمیر برائے راست مستقل نانہہ مکمل کرن الو پہلا مرکز گا زیر انتظام علاقوں بن گيو ہے تے براہ راست فائدہ گی منتقل گے زریعے 16 عشریہ 65 کروڑ روپیاں گی رقم جاری کی جارئی ہے قبائلی امور گا وزیر جاوید احمد رانا نے کہیو ہے کہ تمام اہل طلباء نانہہ جلد وظیفہ مل جیں گا۔

POONCH PROPERTY ATTACHED

سرحد پار توں دہشت گردی تے اس غانیٹ ورک غے خلاف ایک بڑی کاروائی مانہہ جموں کشمیر پولیس نے غیر قانونی سرگرمیاں غی روک تھام ایکٹ غی سکت دفعات غے تحت پاکستان مانہہ مقیم دہشت گرد ہنڈلر تے پونچھ ضلع مانہہ لانچ کمانڈر گی غیر منقولہ جائیداد ضبط کرلی ہے ضبط شدہ جائیداد رفی ائی عرف سلطان ولد محمد افسر غی ملکیت ہے جیڑو اس علاقہ گو رہن الو ہے پر اس ویلے پاکستان مانہہ مقیم ہنڈلر تے کالہرم دہشت گرد تنظیم تحریک المجاہدین جموں گزنوی فورس گا لانچنگ کمانڈر گا طور ور کم کر رہیو ہے۔

TERROR ASSOCIATES ARRESTED

جموں کشمیر پولیس نے جمعرات نانہہ وسطی گا ضلع گاندربل مانہہ دیر شام گی کاروائی گے دوران 2 دہشت گردان غا ساتھیان نانہہ گرفتار کیو ہے تے ان گا قبضہ تیں اسلحو گولہ بارود تے 8 لکھ 40 ہزار روپیاں گی نقد رقم برآمد کی ہے برآمد ہون آلا سامان مانہہ راوند دو دستی ہتھ گولہ تے 8 لکھ 40 ہزار 5 سوگی نقدی رقم شامل ہے اس سلسلہ مانہہ پولیس سٹیشن گاندربل مانہہ غیر قانونی سرگرمیاں غی روک تھام ایکٹ غی متعلقہ دفعات غے تحت مقدمہ درج کیو گيو ہے تے مزید تفتیش جاری ہے۔

DGP RELIGIOUS SITES

پولیس گاڈائریکٹر جنرل نلین پرہات نے پولیس گا انسپکٹر جنرل جموں تے آئی جی پی، سی آر پی ایف جموں سیکٹر گے نال مل غے جموں مانہہ اہم مذہبی مقامات گی حفاظت گو جامع جائیزو لیو ہے اس جائیزہ مانہہ تہ دار حفاظتی انتظامات موثر ہجوم گا انتظام تے تکنیک گا بہتر استعمال ور توجہ مرکوز کی گئی پولیس سی آر پی ایف تے دیگر حفاظتی ایجنسیاں گے بشکار قریبی تال میل ور وی زور دتو گيو ڈی جی پی نے افسراں نانہہ ہدایت کی کہ وے امن نانہہ برقرار رکھ واسطے پُل پروف حفاظتی اقدامات نانہہ یقینی بناویں تے پورہ خطہ مانہہ مذہبی مقامات ور آن آلا عقیدت منداں غی حفاظت نانہہ یقینی بناویں۔

NATIONAL ROLL BALL

جموں نے ایم اے سٹیڈیم سکیٹنگ رنک مانہہ 17 واں جونئیر رول بال قومی مقابلہ غی کامیابی نال میزبانی کی ہے جیڑی کل اختتام پزیر ہوئی ہے 26 ریاستاں تے مرکز غے زیر انتظام علاقان گا تقریباً 6 سو کھیڈاریاں تے عہدے داراں نے حصو لیو جت رفتار مہارت تے کھیڈ غو مظاہرو کیو گيو فائنل مانہہ آسام نے اپنا تاج گو دفاع کرتاواں ایک بار پھر گرلز ٹائٹل اپنے نال کیو ہے جدکہ راجستھان نے لگاتار 5 واں بائیز ٹائٹل گو دعوی کرتا واں ہندی دوڑ جاری رکھی تنظیمان نے کہیو ہے کہ اس مقابلہ نے نوجوانان مانہہ رول بال نانہہ فروغ دتو ہے تے کھیڈا گا بڑی مقابلہ گا مرکز گا طور ور جموں گا بدتا پروفائیل نانہہ تقویت دتی ہے۔

BUILDING NEW INDIA

سال 2025 بھارت گا بُنیادی ڈھانچہ غی ترقی گا سفر مانہ سنگ میل گا طور ور ابھریو ہے جس تے ریل سڑک تے حکمت عملی غے تحت رابطہ مانہ نمایاں کامیابی حاصل کی ہیں ادھمپور سرینگر بارہمولہ ریل رابطہ منصوبہ غے تحت چبان پُل گو افتتاح دنیا گا سب تیں اوچا ریلوے پُل غو افتتاح تھو جہیرو وادی کشمیر نانہ ہر موسم ریل رابطو فراہم کرے وزیر اعظم نے جموں کشمیر مانہ ڈیڈ موڈ سرنگ گو وی افتتاح کیو جس گو مقصد سونامرگ تک سال بھر رسائی نانہ یقینی بنایو سیاحت نانہ فروغ دینو ہنگامی خدمات نانہ بہتر بنانو تے لداخ خطہ واسطے دفاعی لاجسٹک نانہ مضبوط بنانو تھو۔

NEWS READ BY MOHD AKRAM
NEWS EDITOR ABHILASHA SHARMA
DEO NUSRAT
SKILLED RAJAT
TECH ASST PALLAVI